

Adwogi me kwed I kum autism bot lwak.

Kati ki ngec me niang jami ma pirgi tego I tekwaro I lok
kum autism kacel ki miti pa lwak ma I kumalo me Uganda.



Wiye wiye

AJOLI
Community Report
2025

Yoo mapol ma autism nyute kwede en aye ni obedo tekare ma kite me dongo pa ngati moni, kube ki kabedo ma orume, kite ma en niang kwede dok kwo ki kabedo ma orume.

I wilobo kulu, acel I kum miya acel 1/100) pa danotyie ki autism kadi bed ni byek tye ni man twero bedo makato kun o acel I kum pyera adek wiye acel (1/31) I kin lutino.

I wi lobo kulu, lok makeme ki yoo ma ki gwoko kwede ngat matye ki lakit peko man dong omede mada ento i lobo mukene ma rwom me kwo tye lapiny iye, pole dano pe tye ki ngec tutwal omiyo kwed ki pim i kum autism pud tye lapiny tutwal i Uganda ma miyo bur i yoo me gwok ki miyo kony marwate ki lutino wa ki paco ma tye ki autism.

Macalo yub pa AJOLI, wan wa kwedo kwed matut adada malube ki rwom pa autism I kumalo me Uganda kacel ki ngiyo miti dog paci nyo gangi ki pa lwak.

Wanongo kony me lim ma oa ki bot dul ma gilwongo ni Joy Welch ma gitye I United Kingdom (UK) pi kedo yub man I tic dok bene man otumki kony pa dul pa lukwed ma gitye ki diro I dul mapat pat I lok me yoto kum pa lwak, lok me dongo lobo, pwonye, ludiro ma neno yot kum me wic ma gi aa ki I Global Health Uganda, Women and Children Agenda, Lancaster University, Makerere University ki Gulu University.

Miti wa tye ni adwogi kwed magi watiyo kwede me kati ki ngec dok me kelo nyiang I kum autism kacel ki neno ni lutela tederu kacel ki lumok cik gi ilo malo rwom me konyo lutino ma gitye ki autism, gangi gi kacel ki lwak.



Twodo lok kum autism I kumalo me Uganda

AJOLI
Community Report
2025

Wa twodo kite ma autism oket kwede kacel ki jami ma lube ki autism I kin lutino 1139 ma mwaka gi ocake 2 me o 9 I distrik 3 ma tye I lobo Acholi I kumalo me Uganda. I Gulu City ocung pi jo ma bedo I kema madit kun Amuru ki Pader distrk gicungu pi lwak ma gitye I caro

Watiyo ki jami me yeko jo ducu magity ki peko me dongo pa ngec gi ma gilwongo ni 230 ma gikati kwede tutwale pi Uganda. Kace Inen gi yeko latin kun ginongo ni omoko kakare ni en tye ki peko me dongo pa ngece ci gicwale bot daktari ma gitimo kwed mukene me moko ada kun gityo ki gin ma munu boro ni DSM5 dok bene kace gin man onyutu ni ada peko me dongo pa ngec tye, ci latin man gi kubu/ gicwalo ka nongo kwed me moko atir ki bot daktari ma neno lok kum dongo pa adam kacel ki lumi tam ma gitye I ot yat madit me Gulu (Gulu Hospital).

01

Lutino ma gitye ki peko me dongo pa adam/ ngec

4.8 I kum 100 pa lutino ma wa neno gi wanongo ni gitye ki peko man

02

1 ikum 100 pa lutino ma wa neno gi wanongo ni gitye ki autism dok bene I kum wel man 81.8 olo gitye ki jami acel manyute malube ki peko me dongo pa adam/ ngec.

03

Jami ma kelo autism aye jami ma lube ki remo me tekwaro nyo malube ki nyodo macalo nywal con, arem ma kace latin obutu ari I I mine, kace latin giketo I yamo I kare ma ginywalo.



Nyang lok kum autism I kumalo me Uganda



I distrik adeki ducu wa penyo peny me kwed bot dano 25. Wapenyo bene dul pa lutino ma gitye ki autism 4, wapenyo bene lunyodo, lutela tekwaro, luteal kin gang, lupwonye, lutic me yot kum kacel ki lutic pa gamente.

Waloko ki wel dano 40 pi nyiang kite ma gin niang kwede I kum autism dok kite ma gineno calo gin ma pigi tek pi jo ma gitye ki autism kacel ki lwak ma I kin paco/ tedero

Kama miti me yub man cung iye	Tito kite ma tye kwede	Kakwene mukene ma ngec man ginongo ki iye
Gin ma kelo autism	Niyee manok malube ki gin ma kelo autism kacel ki tam mogo ma kilong ma a I tekwaro macalo timo bal, lam nyo tim jok jok	Anywal acel owaco ni kine mukena wamoko ni man bino macalo adwogi pa tipo marac nyo ni pien pe wabedo ki jami macalo magi I kare ma okato angec
Kite ma autism nyute/ nen kwede	Kwo mapat pat ma watye kwede kacel ki peko me kube I kin dano ki kite ma kum danodok iye I jami ma time	Latic pa lwak ma tye I Gulu owaco ni lakit lutino magi ginyutu tamgi I yoo mapat pat. Twero bedo I yo me lok aloka calo jany onyo ginyutu niang gi kun woto ki I kum jami ma gitye kwede.
Lageng mogo ma a ki bot lwak	Cimo tok, nywaro gi wang ki wang, bedo labongo kare me nongo kwan ma rwate, ngec manok pa lwak kacel ki kony ma a ki I paco/gang.	Lapwony acel owaco ni pol pa lunywal lewic mako gi kace gitye ki lutiono macalo man. Latin acel ma tye ki autism owaco ni pol dano tamo ni in I baba dok bene gitamo ni lunyodo wa gi lamo gi dok bene gi yetowa.
Yoo ma lwak twero cobo kwede peko man	Pwonyo gangi. Lwak, lutic me yot kum, lutic me pwonye dok bene medo miyo kony me kwan pi neno ni gicung pigi kengi pi kare malac.	Paco acel owaco ni omyero wa mi pwony I kum autism , Latic me yot kum acel owaci ni omyero wapwony bene lwak kite ma bedo ki latin ma tye ji autism obedo kwede, Wapwony gi bene I yoo mapat pat kite ma watwero miyo kwede kony ki gin.

Lok ma pire tek ma omyero wange

Yub wa man me AJOLI tye ki byek ni acel I kum miya pa lutino ma tye I kumalo me Uganda gitye ki autism dok man nyutu ni watye ki lutino mapol ma pe wapimo gi kacel ki bulu wa ki ludito mapol bene.

Pol pa lutic me yot kum kacel ki dul me pwonye pe gitye ki ngec I kum jo ma gitye ki autism kacel kin jo ma gitye ki peko me dongo pa adam/ ngec gi. Man wejo lawic mako lunywal dok pol gi peke ki ngec kacel ki cente me konyo gwoko lutino gi/ man weko gi kano nyo gikoyogi, pe gicwalo gi ka kwan dok bene pe gimio ki gin kony me yot kum marwate.

Autism pe obedo lam dok bene pe obedo adwogi me bal nyo two ma kobo I kin dano ento obedo apoka poka I yoo ma adam tiyo kwede miyo dano menu kite ma kwo kwedo poke ki pa dano mapol ma orumu ngete. Dano ma tye ki autism twero bedo ki peko wa ki teko I yoo kite ma gin kwo kwede ma man ducu kace wa miyo kony ma rwate dano ma tye ki autism twero kwo pi kare malac dok iyo ma ber atika.

Kace lwak, lupwonye, lutic me yot kum, lunyodo tye ki ngec ki cwak ma lamalo, lutino ma tye ki autism kadi ki bulu gibibedo ki kero me kwan, dongo bedo dano ma giworo gi dok ma gimio kony I kin lwak kama gin a iye kun nongo gikwo pigi kengi.



Gin me atima mukene

AJOLI
Community Report
2025

Yub mameg wa me AJOLI obedo yo me acaki I wot wa mabor kacel. Watye ki miti me tic ki ngec ma wanongo ki I kwed man me konyo yub mapol I anyim wek wa kati ki aloka loka ma rii I paci, bot lwak ma gitye I kumalo me Uganda ducu.

01

Medo ngec I lok kum autism

Wa bi kube ki dog gangi ki ;lwak me neno ni wa kati ki ngec ki niang kacel ki yeyo I kum jo ducu ma tye ki autism kun wadwoko piny cimo tok gi.

02

Ilo malo yub me nongo pwonye/kwan

EPwonye obedo twero pa dano dok kwako lutiono ducu. Wa bi tic kacel ki gangi kwan ma itedero me ilo malo ngec kacel ki pwonyo lupwonye ki yoo wek gikony lutino kwan ma tye ki autism I odi kwan gi.

03

Ilo kero pa dul tic me yot kum

Wabitiyo kacel ku dul gangi pwonye ma malo mapat pat matye I twok piny ki ilobo man pi kati ki ngec I kum autism I kin lutic me yot kum wek gi il malo yoo me ngeyomito gi



Mok

Wamoko bene ni yum man onongo kono pe otwere labongo kony me lim ma oa ki bot Joy Welch ki cwak pa Global Health Uganda, Women and Children Agenda, Lancaster University, Gulu University kacel ki Makerere University.

Dakta Ouma Simple
Dakta Jonathan Vincent
Kennedy Kosko Okello
Dakta Eddy Estin
Lapwony Madit Catherine Abbo
Lapwony Madit Okello James
Lapwony Madit Franceska Akello

Wacwalo pwoc madit bot jo ducu ma gikonyo I kwed man, lutic me yot kum kin paco ki luteal mapat pat ma gibedo tye dok gimiyoy kony I yob man.



Dok bene wacwalo pwoc bot lwak ducu ma gimiyoy cwak gi me bedo bud kwed man.



Pi ngec matut I twero limo

Global Health Uganda
ma ginonge Igudu
Mawande ma tye i
Kampala nyo go cim nama
256 3516707
nyo I nyonyo pa munu I yamo kun I coyo:
www.globalhealthuganda.org/